



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lilivm Inter Spinis

Sterre, Jean Chrysostome van der

Antverpiæ, 1627

Cap. XXXII. Quomodo in raptu viderit pulchritudinem creaturarum.

urn:nbn:de:hbz:466:1-43032

ximè circa Corpus Dominicum, imò circa ipsum Dominum deuotas & reuerendas excubias celebrantibus? Indignantur nobis proculdubio, indignantur, quoties nos sancta altaria, vana cogitando, negligentius inclinando, Dominum non orando & honorando, viderint pertransire.

CAPVT XXXII.

Quomodo in raptu viderit pulchritudinem creaturarum.

IN quotidianis laborantem tribulationibus seruum suum Dominus mœstorum consolatio, laborantium fortitudo, multiplicibus consolationibus, tum per creaturas suas, tum per semetipsum, confortare decreuit. Et quidem de consolationibus, quas illi per præfatas factas Virgines ministravit, paucissima hæc mihi comperta sunt, quæ per hoc scriptum memoriæ commendavi: supersunt autem multa
G valdè,

valdè, quæ nec mihi comperta, nec scripto commendata sunt. Quomodo verò per notitiam harum creaturarum, quæ oculis sunt subiectæ, & quarum species naturalis spectantium oculis se commendat, (scilicet cæli & siderum,) virum * simplicitatis lætificauerit; volo quidem, sed non valeo explicare. Talis enim res est, quæ nec ab ipsis videntibus & sentientibus valeat explicari vt est; quantò minùs ab imperfectè audientibus? Ne tamen nihil dicam; quantum & qualiter poterò, explicabo. Cùm quotidianis (vt dictum est) tribulationibus manu Domini tangeretur, & hoc interiùs responsum à Domino accepisset; **SUF-
FICIT TIBI GRATIA MEA: NAM
VIRTUS IN INFIRMITATE PERFI-
CITVR; cœpit frequenter cogitare de
præmio quod sperauit: & quid super-
cælestia delectationis haberent, desi-
derabat cognoscere, & in Dei san-
ctuarium introire. His autem medi-
tatio-**

* Fortè
deest exi-
mix aut
mix.

2. Cor. 12.

rationibus occupatum, contigit nocte quadam ad fenestram Sacristiæ consistere, & ad Orientem respicere: ubi ortum Lunæ & siderum aliquorum, & puritatem firmamenti aliquatenus potuit contemplari. Cumque his omnibus intuendis tota mentis & corporis acie inhæreret; magna creaturarum delectatione, & eas integrè cognoscendi ardore correptus, sic ipsum Creatorem affatus est: Domine, omnium conditor, etsi teipsum, dum in hac habito Babylone, per speculum & in ænigmate oportet cognoscere; da mihi tamen tuarum cognitionem creaturarum, per quam ad te ipsum cognoscendum mentis contuitus aliquantum perfectiùs subleuetur. Et dum orans desideransque consisteret; ecce, modo mirabili (quem explicare ipse non potuit, sed nec ego) alienatus à se, in alterius scientiæ virum subito translatus est. Posuitque Dominus subito sub eius contuitu, ni-

1. Cor. 13.

Deus IOSEPHO à se alienato pulchritudinem exhibet creaturam.

G 2 miùm

miùm dilatato, qualitatem & quantitatem (quod manifestiùs pulchritudinem & magnitudinem possumus appellare) firmamenti ac siderum; & per aliquod tempus eius desiderio satisfacit. A reuerso autem ad se nihil aliud potuimus intelligere; nisi quòd in hac cognitione perfecta creaturarum, tam inæstimabili fuisset delectatione refectus, vt nullius lingua hoc aliquatenus explicare valeret. O verè inæstimabilem virum, omni prosequendum laude! quem Dominus vt filium flagellare; & vt amicum vnanimem, secretorum suorum delicijs voluit consolari. An non videtur in hoc facto compar illius incomparabilis Benedicti, sub cuius oculos in momento totus mundus adductus est? Non contendamus de meritis; sed in vtroque Dominum meritò collaudemus.

CA-